



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-43983/19
Sarajevo, 19.12.2019.

Na osnovu člana 8. Zakona o ministarskim, vladinim i drugim imenovanjima ("Službene novine FBiH", br. 12/03, 34/03 i 65/13), člana 121. stav 2. Zakona o policijskim službenicima Kantona Sarajevo („Službene novine Kantona Sarajevo“ br. 38/18 i 26/19), te tačke V Odluke o utvrđivanju standarda i kriterija za imenovanje na upražnjene pozicije predsjedavajućeg i članova policijskog odbora („Službene novine Kantona Sarajevo“, broj:39/19), Vlada Kantona Sarajevo objavljuje

PONIŠTENJE JAVNOG KONKURSA za imenovanje predsjedavajućeg i članova Policijskog odbora

Poništava se Javni konkurs za imenovanje na upražnjene pozicije predsjedavajućeg i članova Policijskog odbora Vlade Kantona Sarajevo, broj: 02-05-39619-12 od 07.11.2019. godine, koji je objavljen u "Službenim novinama Federacije BiH" broj 78/19 dana 23.10.2019. godine, dnevnim novinama "Oslobođenje" dana 17.10.2019.godine, web stranici Vlade Kantona Sarajevo i MUP Kantona Sarajevo od 31.10.2019. godine.

Isti se poništava iz razloga nedovoljnog broja prijavljenih kandidata.

PONOVRNO SE RASPISUJE JAVNI KONKURS za imenovanje predsjedavajućeg i članova Policijskog odbora

I Predmet javnog konkursa

Raspisuje se javni konkurs za imenovanje Policijskog odbora. Policijski odbor se osniva kao nezavisno tijelo koje čini pet (5) članova, od kojih je jedan (1) član ima saglasnost Sindikata policije, jedan (1) član iz reda aktivnih policijskih službenika pri Upravi policije Kantona Sarajevo, jedan (1) član u statusu penzionisanog policijskog službenika, te dva (2) člana iz reda građana.

II Opis poslova članova Policijskog odbora:

Policijski odbor nadležan je za preispitivanje svih žalbi koje Zakon o policijskim službenicima Kantona Sarajevo (u daljem tekstu: Zakon) predviđa kao i bilo koje druge odluke ili radnje poduzete ili nepoduzete od strane policijskog organa koje se odnose na sticanje statusa i status policijskih službenika, u skladu sa zakonom i podzakonskim aktima, a na zahtjev:

- a) policijskog službenika koji smatra da je oštećen osporavanom odlukom, poduzimanjem ili nepoduzimanjem radnje,



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



- b) lica kojem je prestao status policijskog službenika koji smatra da je oštećen osporavanom odlukom, poduzimanjem ili nepoduzimanjem radnje,
- c) lica koje u skladu sa zakonom ima pravo da podnese žalbu.

Policijski odbor će saslušati policijskog službenika ili lice koje je podnijelo zahtjev ako je to potrebno, pozvati svjedoke i vještake kada je to neophodno, tražiti i prikupiti od nadležnih tijela sve relevantne podatke i usvojiti poslovnik koji se objavljuje u "Službenim novinama Kantona Sarajevo". Odluke Policijskog odbora zasnivaju se na zakonu i na potpuno i pravilno utvđenim činjenicama. Odluke policijskog odbora su konačne, s tim da mogu biti predmet sudskog preispitivanja u skladu sa važećim zakonima i dostavljaju se podnosiocu žalbe u roku od osam dana od dana donošenja. Policijski odbor donosi odluku u roku od 30 dana od dana prijema žalbe, osim ako Zakonom nije drugačije propisano. Žalba podnesena Policijskom odboru odgađa izvršenje odluke ukoliko nije drugačije propisano Zakonom. Pri odlučivanju o žalbi podnesenoj na odluku disciplinske komisije, Policijski odbor postupa prema članu 109. stav (2) Zakona.

Članove Policijskog odbora imenuje Vlada Kantona Sarajevo na mandatni period od četiri (4) godine. Članovi odbora mogu biti ponovo birani u Policijski odbor samo jednom uzastopno.

Kandidati koji se kandiduju za navedenu poziciju dužni su ispunjavati opće i posebne uvjete:

III Opći uvjeti:

- a) da je stariji od 18 godina (dokaz: izvo iz matične knjige rođenih ili ovjerena kopija izvoda iz matične knjige rođenih);
- b) da je državljanin Bosne i Hercegovine (dokaz: uvjerenje o državljanstvu ili ovjerena kopija uvjerenja o državljanstvu);
- c) da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije (dokaz: izjava kandidata potpisana i ovjerena od strane nadležnog organa);
- d) da se na njih ne odnosi član IX.1. Ustava Bosne i Hercegovine (dokaz: izjava kandidata potpisana i ovjerena od strane nadležnog organa);

IV Posebni uvjeti:

- a) da ima stečenu diplomu visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja sa 240 ECTS studijskih bodova u oblasti pravnih nauka ili druge visokoobrazovne institucije pravne struke (dokaz: diploma ili ovjerena kopija diplome);
- b) najmanje pet godina radnog staža u struci nakon sticanja visoke školske spreme, a za predsjedavajućeg deset godina radnog staža u struci nakon sticanja visoke školske spreme, (dokaz: potvrda ili uvjerenje o radnom stažu u struci);
- c) da nije član političke stranke (dokaz: izjava kandidata potpisana i ovjerena od strane nadležnog organa);
- d) da nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke (dokaz: izjava kandidata potpisana i ovjerena od strane nadležnog organa);
- e) da nije bio član izvršnog ili zakonodavnog tijela na bilo kojem nivou vlasti u Bosni i Hercegovini (dokaz: izjava kandidata potpisana i ovjerena od strane nadležnog organa);
- f) da nije osuđivan za krivično djelo (dokaz: Uvjerenje o neosuđivanosti);



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



- g) da se protiv njega ne vodi krivični postupak (dokaz: Uvjerenje nadležnog suda);
h) da mu nije izrečena disciplinska sankcija za teže povrede službene dužnosti (dokaz: izjava kandidata potpisana i ovjerena od strane nadležnog organa);

Kandidati su dužni u prijavi navesti kraću biografiju, adresu i kontakt telefon, te priložiti originalne dokumente ili ovjerene fotokopije dokumenata ne starije od šest mjeseci, kao dokaz o ispunjavanju općih i posebnih uvjeta traženih ovim konkursom.

Pored navedenog kandidati su dužni u prijavi navesti da li se kandidiraju na poziciju predsjedavajućeg, člana ili obje pozicije.

Također, kandidati u prijavi trebaju navesti da li se kandidiraju kao predstavnici koji imaju saglasnost Sindikata policije, jedan (1) član iz reda aktivnih policijskih službenika pri Upravi policije Kantona Sarajevo, jedan (1) član u statusu penzionisanog policijskog službenika, te dva (2) člana iz reda građana.

Predstavnik Sindikata policije dužan je dostaviti saglasnost Sindikata policije Kantona Sarajevo.

Javni konkurs će biti objavljen u "Službenim novinama Federacije BiH", u jednom dnevnom listu i web stranici Vlade Kantona Sarajevo <https://vlada.ks.gov.ba/>.

Konkurs ostaje otvoren 15 dana od dana posljednjeg objavljivanja.

Prijave sa traženim dokumentima kao dokazom se dostavljaju lično ili poštom preporučeno, na adresu:

Vlada Kantona Sarajevo,
ul. Reisa Džemaludina Čauševića br. 1,
71 000 Sarajevo,
u zatvorenoj koverti, sa naznakom

"PRIJAVA NA JAVNI KONKURS -POLICIJSKI ODBOR- NE OTVARAJ".

Prijave koje ne sadrže propisano iz ovog konkursa, kao i prijave podnesene istekom roka utvrđenog u ovom konkursu, odbacit će se kao nepotpune odnosno neblagovremene, te se kao takve neće uzeti u razmatranje.

Svi kandidati koji budu stavljeni na listu sa užim izborom, biće pozvani na intervju pred Komisijom za izbor. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije.



Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Premijer Kantona Sarajevo,
- ④ 4. Ministarstvo unutrašnjih poslova,
5. Evidencija,
6. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1

